

白雲齋選訂樂府吳騷合編

白雪齋選訂樂府吳騷合編目次

第三卷

黃鐘

絳都春序

情濃乍別

四時閨怨

王漢陂

春愁萬結

題情

高深甫

畫眉序

花下見妖嬈

麗情

虞竹西

一見杜韋娘

題情

祝枝山

金風動南國

感舊

梁少白

白露破青煙

客懷

文三橋

降黃龍

雨細堦墀

秋思止二闋

沈伯英

啄木兒

從別後淚暗流

題情

杜圻山

誰家女兩髻丫

詠幽閨女郎

梁少白

香風細繡幙開

春齋卽事

秦復菴

相思債不耐償

寄金姬

王伯良

畫眉上海棠

鸚鵡報春情

閨情

劉東生

畫眉著皂袍

扶病倚南樓

閨情

舊辭

越調

小桃紅

暗思昔日配春嬌

題情

王元和

江東逐客冀北歸鞭

寄褚舊姬

梁少白

亭前柳

瓶墜寶簪折

夜思

唐伯虎

綿搭絮

長空如洗

秋懷

楊夫人

薄寒輕悄

春閨

范夫人

商調

山坡羊

嬌滴滴一團風味

麗情

梅禹金

風兒疎喇喇吹動

題情

陳秋碧

碧雲窩水輪初上

秋閨對月

駱永叔

春染郊原如繡

題情

文衡山

亂紛紛

代青樓寄情各韻共四闕

梁少白

二郎神

人別後

秋閨

高東嘉

相逢久

閨思

梁少白

分鸞鏡

冬閨

楊用修

銅壺轉

擬漢宮春怨

梁少白

西風緊

代謝雙別瀑泉王孫

高深甫

寒余峭

秋夜病中懷舊

張旭初

集賢賓

芭蕉冷落秋夜幽

秋閨

古調

梧桐露冷生嫩黃

秋怨

沈青門

離愁滿天沒處躲

秋思

馮海浮

登樓倚闌天欲曙

宮詞

沈子勺

天涯自他爲去客

閨情

沈子勺

懷珠袖壁空暗投

惜別

張熙伯

高陽臺

萬點殘紅

春怨

陸包山

字字錦

羣芳綻錦鮮

閨思

楊彥華

江東送彩船

贈月來

沈伯明

秋來怕倚闌

秋閨怨

梁少白

黃鶯兒

孤鏡畫愁眉

秋閨

文衡山

采藥憶天台

閨思

楊夫人

鶯啼序

孤幃一點殘燈

閨情

陳秋碧



梧桐一葉初凋

秋閨

孫百川

盈盈十五纔過

麗情

沈伯英

金梧桐

香醪爲解愁

春思

陳秋碧

相思借酒消

惜別

曹含齋

漫漫瑞雪鋪

冬閨

陳秋碧

相思本自雙

咏相思曲

沈伯明

春風蘓小家

携孫姬雁來繡鞋

馮千秋

堪悲宋玉秋

傷秋

許彥輔

梧桐樹

繁華滿目開

春思

古調

鶯啼柳外聲

春日題情

梅禹金

金絡索

瑤臺一絳仙

懷華亭秋水

梁少白

東風轉歲華

四時閨情

舊詞

垂楊繫赤騶

賦別各韻計四闋

騷隱生

曾叨金屋光

代李姬寄馮貞玉

龍子猶

金甌線解醒

相思沒奈何

招夢

沈伯英

雙調

鎖南枝

黃昏後

夜思各韻計五曲

陳海樵

曾畱下

題東

龍子猶

錦堂月

花滿金庭

金閨紀遇

龍子猶

吳騷令編卷三目次終

白雪齋選訂樂府吳騷合編卷之三

騷隱居士 選輯

虎林

半嶺道人 刪訂

黃鐘

○四時閨怨 已刻

王漢陂

絳都春序 用車遮韻

情濃乍別。爲多才寸心千里。縈結吐膽傾心。把海誓  
山盟。曾共設。風流空惹下相思業。又擔上風花雪月。  
滿懷心事。這離思教我對誰分說。

出隊子

花開花謝。又蚤春光輕漏泄。紅深綠嫩。一似錦屏列。  
觸處繁華都綻。徹嬌滴滴海棠花。無心去折。

鬧樊樓

陽關數曲。宮商別鳳簫聲斷。楚臺程涉。霧鎖黃金闕。  
夢遶秦樓月。側楞箏絃斷。撲簌的。瓶墜簪折。咭丁當。  
把菱花碎跌。

滴滴金

尋芳緩步。聞鴉鳩柳外黃鸝聲弄舌。花飛碎玉呈郊。

野料東君歸去也。傷情慘切。悶無言倦。將簾半揭。此情哽咽。滾滾楊花似雪。

畫眉序

清和傷佳節。蕤館涼生。枕簟設。奈無情來往。戀香蛺蝶。逐和風點水。蜻蜓池沼內。輕浮新葉。可惜虛度納涼夜。鮫鮪上淚痕啼血。

浣溪沙犯

譜中無此一體不知所本

浣溪沙

新蟬噪聲哽咽。浸冰盤藕絲堆雪。羅幃上題

詩。勝心事寫。仗南薰傳信也。

啄木兒

不思量舊日水

吳騷合編

身若結兮抱腥賦  
初亦天鵲聲焉者







肌貼不念我枕簟同懽悅

玉漏遲

不記得同心雙結

竟不想為薄情種瘦怯

三段緒

按譜中無此一體不知所本

三段子

井梧墜葉到重陽情與別金英萬疊遠東籬

丰味絕

繡衣郎

天香散麝傷秋宋玉悲何切盼征鴻

在天外行列煩寄却魚書雁帖

滴溜子

又名雙聲疊韻又名聞雙鵝

紗窗外紗窗外桂魄皎潔銀臺上銀臺上燒燈半滅

寶鼎餘香猶蕤西風翠被寒蛩韻切暗數盡誰樓上

更籌未徹。

下小樓

嘆嗟花殘月缺。挨連宵風雨。節。姻緣分定受磨折。幾  
度思量欲見爭奈路遠途賒。

永團圓犯

中呂

永團圓

寒侵繡幄嚴威冽。舞驚毛飄粉蝶。逋仙探梅

閒游冶。暗香來難尋折。烹茶設煖相思擔兒何時歇。

漸減桃腮頰。慙慙瘦怯愁和悶。幾時撇。

關樊樓

寬褪

羅裙摺粉黛飄香屑。

望吾鄉

雲鬟亂金鳳拆展轉形

憔悴。

（永圓圓）

只恐髣堆雪。

此調犯體譜中向無明註三韻分別近是今照刻

尾聲

窗前暗把音書批。罵薄倖、弄巧成拙。再不把閒情來去惹。

○題情 已刻

高深甫

絳都春序

川車遮韻

春愁萬結。怪終朝、看頭心上堆疊。點簡相思共衰柳。黃花憔悴也。傷秋淚。洒楓林、血更難脫。慙纏歲月。別離天遠。恨湘州、縹渺楚雲空濶。

出隊子

相逢相別屈指光陰如電掣。花星喜宿偏照那時節。  
幾句新詩將心事寫。平白地慙慙雙魚佩結。

開羹樓

三星在戶梨花夜。繡窗燈暗獸爐香滅。犬吠朱門歇。  
人約黃昏絕。響叮嚀更漏風淅瀝。月冷霜冽悄摩娑。  
傍迴廊下躲回。

滴滴金

猛然一見魂飛越。怪寒侵羅袂。身似鐵戰兢兢。把

羅幃揭。膽兒寒。心兒怯。思深意切。喜香溫。翠軟方寧。  
貼。誓盟共說。剩得如今。那些。

畫眉序

魂夢遶。蝴蝶窗外花陰影。搖拽見寒燈。一點紙窗風。  
射眼中人無影。無形心上事難拋。難撇爲他。常是病。  
兒惹。真個弄巧成拙。

沙上啄木兒

譜中亦無此體

浣溪沙。情牽掛。事磨折。絞柔腸。幾回寸裂。推不去。懶。  
煎將愁怨。除驟心車。還覆轍。  
啄木兒看窗。前不見山。

回折枕邊淚似江濤湧。咫尺江山將魚雁截。

三段繡 註前

三段子

當初見月待黃昏。情意熱如今見月怕黃昏。

形影不

繡衣郎

因他去也。一般風景還分別兩邊愁。

各自空攄拽甚日得有圓無缺。

滴溜子

迢迢夢迢迢夢。心帆幾摺悠悠恨。悠悠恨。凌河已決。  
天上香車七葉。一年一度秋星橋接。偏我和他今生  
斷絕。

下小樓

空接魚書雁帖。反教人添哽咽。有時只把鞋跟跌料。  
想無繇見者。又何勞撥草尋蛇。

永團圓犯

中呂註前

永團圓

相逢不久。忙拋撇。嘆佳期成。永訣。祇神火發。

鴛鴦牒泣春風枝上。歇簫聲已徹。彩雲散處琉璃劫。  
往事空饒舌。巫陽夢涉。臉消紅。鬢飛雪。  
關樊樓病似

相如怯。願結韓平穴。  
尾吾鄉嘆三生總虛說。都是前

生孽。

永團圓

贏得淚枯竭。

尾聲

待丟開難割捨只落得情牽意惹心癢空揉似隔靴  
此詞首闕向刻瑞烟濃而後復訛甚今悉查明  
改刻較之舊本可謂各得其所矣頗爲稱快

○麗情

已刻

虞竹西

畫簪序

川蕭豪韻

花下見妖嬈彷彿仙姝離蓬島看看橫翠黛臉暈紅  
桃步香塵羅襪輕盈歌麗曲鶯聲嬌巧見人未語先  
含笑朱唇綻破櫻桃



黃鶯兒

商調

楊柳。鬪纖腰。露春蔥。十指嬌。琵琶撥盡相思調。能詩似薛濤。賽江東。小喬雙生。何必尋蘇小。鳳鸞交。偎紅倚翠。無福也難消。

集賢賓

同上

也曾焚香告天。把蘭麝燒也。也曾把詩寫鮫綃也。也曾向芍藥欄前。閒闌草也。曾在月下吹簫也。有文君雅操。正遇着相如才調。同傾倒。相隨趁月夕花朝。

琥珀貓兒墜

同上

千金一刻難買是春宵。白髮相催人易老。貴人頭上  
不曾饒。今朝不如典却鸛裘。解下金貂。

尾聲

一團嬌紅迎俏。鎮日裏追歡買笑。只恐人老花殘空  
懊惱。

○題情 已刻

祝枝山

畫簪序 用江陽韻

一見杜韋娘。惱亂蘇州刺史腸。似奇花解語。軟玉生  
香。彩雲輕舞。袖翩跹。金縷細歌。喉清亮。料應風世曾

爲伴。今生裏再得成雙。

黃鶯兒

商調

偏愛素羅裳。煞娉婷。忒恁狂。丹青怎畫得嬌模樣。行  
思坐想。恩情怎當。俏冤家牽掛在心兒上。細思量。一  
時不見。如隔九秋霜。

集賢賓

同上

一味至誠。非勉強。他有鐵石心腸。月下星前。言不爽。  
我何曾着意。關防。憑君移放。自不許蜂喧蝶嚷。秋江  
上。芙蓉花到老含芳。

琥珀猶兒墜

同上

合歡未久無柰往他方。渭北江東道路長。暮雲春樹  
兩茫茫。悽惶一種相思分做兩處悲傷。

尾聲

歸來依舊同歡賞。月下花前再舉觴。只怕歲月無情  
兩鬢霜。

○秋日登潑水驛樓感舊

有序

已刻

梁少白

余幼有遊僻。每一興思。則奮然高舉。癸丑之歲。  
南遊永嘉。道經蘭谿。徘徊江岸。淩麗譙之孤聳。

見塞羽之長征。川原迢遞。舊會難同。雲樹周遭。  
故園不見。情來引泣。事往會悲。因動仲宣之懷。  
敢擬登樓之作。

畫眉序

川齊徵韻

金風動南國。撫景悲秋。感時惜昔。笑年華荏苒。似梭輕。  
擲。光陰記昨日。明朝。懽會想去年。今夕。倚樓無限。  
關心事。都付數聲長笛。

前腔

銀瓶曉空汲。金井沉沉。斷千尺。盼秦臺縹緲暮雲遮。

隔。追。前。恨。別。雁。新。聲。傳。往。信。離。鷺。殘。翼。  
合前

前腔

花。陰。訪。踪。跡。苔。徑。留。痕。未。收。拾。想。珮。環。何。處。畫。圖。空。  
憶。宮。腰。細。帶。眼。驚。鬆。香。袖。冷。淚。花。愁。積。  
合前

前腔

華。堂。屢。經。歷。咫尺。簾。櫳。限。南。北。翠。雲。緘。封。就。欲。投。無。  
隙。美。當。時。一。霎。能。逢。恨。今。日。萬。方。難。覓。  
合前

滴溜子 又一體餘註前

又。不。是。從。前。兩。人。未。識。更。非。關。別。後。兩。情。不。一。爲。甚。

不知個虛實。教人倩着誰問端的。未必他心頓忘往日。

鮑老催

追思艷質。紅榴繡帶餘麝液。烏絲小牋留翰墨。恨彩鳳單錦鴛孤。文鸞隻伯勞東去無儔匹。海蕤西飛絕伴侶。寒鴻北渡沉消息。

滴滴金

花開錦樹芳。香襲零落辭枝悔。何及東風橫烈。春無主。將並蒂分連枝。劈今生未必雖然。一年花事畢難。

道明春蜂釀易無蜜。

鮑老催

江南倦客圖書積。來空四壁。扁舟遊處。經數驛。奈一字無。兩年別。五侯宅。孤雲天際。征鴻急。斜陽江上。烟波疾。怎對却西風立。

雙聲子

昏鴉集。昏鴉集。白露下丹楓。濕寒蟲唧唧。寒蟲唧唧。清霜冷。黃花泣。書未得。書未得。歲已逼。歲已逼。似落花飛絮。暮秋寒食。



尾聲

花間有日門兒闌。月暗房櫳歸處黑。把受過淒涼相  
對。悉。

○客懷

白雪齋刪改照原刻異

文三橋

畫眉序

用先天韻

白露破青煙。曙色波光宛如練。見蕭條景物。易把愁  
牽。家鄉裏空自留連。山水興總難消遣。滿懷無限淒  
涼處。芙蓉冷落誰憐。

黃鶯兒

商調

茅舍兩三間。傍危橋。淺水邊。蓬窗獨倚空長嘆。寒江接天。寒山影懸。征人怕覩。孤飛雁。悄無言。驪歌在耳。不覺又經年。

集賢賓

同上

層巒萬疊如翠。經飛泉瀉石。涓涓蕭寺疎鐘。人漸遠。頃刻間行過前川。遙聞籬犬。幾度把青帘頻盼。潯再轉。凝望處白雲千片。

琥珀貓兒墜

同上

碧灘風冷紅樹咽。啼鵲似寫長途離恨。篇巫山夢斷。

雨雲間。無緣甚日得重回舊家庭院。

尾聲

異鄉風景都嘗遍。回首教人思慘然。怎能教歸夢剛  
剛到枕前。

○秋思

譜張宗瑞疎簾淡月詞

沈伯英

降黃龍

用齊微韻

雨細堦墀。滴向梧桐。被風驚碎。潤逼衣篝。線裊金爐。  
殢人沈水。天涯優游歲月。一分秋。一分憔悴。紫簫吹。  
魚牋恨斷。夜寒鴻起。

前腔 換頭

淒淒客裏思歸。草閣圍青竹。溪空翠西風落葉吹老。  
人間幾番塵世。棲遲江湖。諳盡聽商歌。魂消千里醉。  
休提疎簾淡月。照人無寐。止二闕無煞

○題情 已刻

杜圻山

啄木兒 用尤侯韻

從別後。淚暗流。心上人兒怎捨丟。想前生宿世曾修。  
幸今生得會鸞儔。指望如魚似水恩情厚。天長地久。  
相厮守。豈料分薄緣慳不到頭。

前腔

悶中悶。愁上愁。自古情濃終不久。病恹恹着甚來繇。  
瘦怯怯愁鎖睂頭。記當初共設神前呪。如今一旦成  
虛謬。只聽得燕送春歸語。畫樓。

三段子

靜中自躊躇。張郎眉爲伊常皺。悶中自求沈郎腰。因他  
消瘦。相思病要妥無能勾。陽臺夢重會無繇就。回首  
巫山雲雨收。

滴溜子

恩情美。恩情美。番爲怨。尤風雲態。風雲態。變成禍。讐。  
有日。姻緣重。偶相思。一筆勾。仍諧鳳友。再訂前盟。願  
天長地久。

尾聲

相逢再。把衷腸剖。往日相思付水流。怎能勾。永效鵲。  
鵲同白首。

○詠幽閨女郎

已刻

梁少白

啄木兒

用家麻韻

誰家女。兩髻丫。滿臉嬌羞。將破爪。聽清聲如柳外雛。

鷓鴣香鬟似日暮寒鴉。選良姻、不便輕婚嫁。守清規、常自甘孤寡。好似一朵藏風葉底花。

賣花聲

羽調

此曲卽浪淘沙與越調者不同

獨閉房櫳有誰歡狎。伴侶相邀、暫同戲耍。繡鞋剛三寸些兒大。細腰身、捻就無一把。避東風、簾多下。

歸仙洞

羽調

步花徑、欄檻狹。防人覷、常驚謊。荆棘抓裙軟。倒閃在茶蘼架。勾引得嫩枝、伊啞。討歸路、尋空罅。伏舊家巢燕、引入窗紗。

尾聲

這多嬌真無價。若還情願到人家。準備日夜燒香供養他。

○春齋卽事

未刻

秦復菴

啄木兒

用皆來韻

香風細。繡幔開。春困佳人睡起來。百般嬌杏臉堪描。  
一窩絲鳳髻微歪。海棠未足妖邪態也。斜賜眼嬌聲。  
噫倦倚幃屏整繡鞋。

前腔



闌干外。花正開。見景無心對鏡臺。下蒼苔。柳態輕盈。  
趁綠陰。蓮步徘徊。探身折朵。花兒戴。薔薇。孤得烏雲。  
解笑倩才郎。插鳳釵。

三段子

流鶯弄。垂踏紅英落。來滿堦。狂蜂浪猜。撲香風飛來。  
滿懷春光九十。應難再深深笑。把東皇拜。切莫使風  
雨無情打陣排。

前腔

幽閒小齋喜佳人飛來。楚臺妖嬈俊才怕羞花半遮。

粉腮眼前現。有觀音在。人生何必超三界。端的是一  
刻能消萬劫。灾。

歸朝歡

花陰下。花陰下。香肩並挨頓。忘了有拘束。腰間的令  
宰。今生裏。今生裏。良緣蚤諧。勝跳出無境岸。沉身的  
宦海。黃昏皓月凭闌待。滿身香露。露清彩。只要的斗  
轉星移。睡去來。不用尾聲。

○寄金姬

未刻


王伯良

啄木兒

用江陽韻



漢月長霞  
詩記



相思債。不耐償。又爲娘行成。枝癢。記年時。事伴尋春。  
猛然間。馬到驚香。綠楊轉西深深巷。紅樓數間。青天  
上。此是行雲小洞房。

前腔

天生俏新樣粧。絲作情緣。花作想。又誰知。片語相投。  
一時間。綰住柔腸。鎖窗夜長。芙蓉帳。金塘水深。鴛鴦  
舫。春去秋來。幾作狂。

三段子

笑他擾攘。是誰教蜂喧蝶忙。替他付量。這些時。風邊

雨。傷。有。情。自。來。多。磨。障。好。花。怎。保。春。無。恙。埋。沒。風。流。  
真。個。是。枉。

歸朝歡

紅。衫。上。紅。衫。上。淚。痕。幾。行。礫。可。可。心。香。入。想。羅。巾。內。  
羅。巾。內。繡。鞋。一。雙。曲。彎。彎。當。蓮。花。在。掌。間。雪。衣。何。日。  
金。籠。放。武。陵。溪。偏。是。多。風。浪。一。字。燈。前。一。斷。腸。無。尾。

○ 閨情 白雪齋藏本與坊刻稍異

劉東生

畫眉上海棠

用庚青韻

鷓。鴒。報。春。晴。汗。濕。酥。胸。夢。初。醒。把。簾。鈎。輕。捲。散。步。閒。

行。留。不。住。幾。樹。花。香。踏。不。折。一。枝。梅。影。月上海棠形  
孤。另。可。惜。辜。負。新。春。懶。裁。雙。勝。

錦堂月 雙調

畫錦堂

心。驚。萱。蔻。微。生。丁。香。暗。結。教。人。覩。物。傷。情。懊。

恨。東。君。把。三。分。春。色。飄。零。月上海棠二。分。付。流。水。浮。

萍。一。分。襯。馬。蹄。芳。徑。傷。春。病。因。此。上。聞。却。花。鈿。慵。整。

集賢聽黃鶯 商調

集賢賓

殷。勤。把。酒。多。至。誠。勸。東。君。須。要。長。情。明。歲。重。

來。期。已。訂。到。不。如。就。此。留。停。同。歡。同。慶。免。秋。到。碧。梧。

金井黃鶯兒再叮嚀。留春不住。相送過洛陽城。

黃鶯帶一封同上

黃鶯兒回首悶無憑。托香腮淚暗傾。見雕梁新燕。常相並。這燕兒幾聲。那燕兒數聲。他把春愁說盡。難回應。一封書冷清清。倚圍屏。交頸鴛鴦。繡不成。

一封羅仙呂

一封書紅光溜。小亭蘸胭脂。春草青。欲待尋芳穿曲徑。又恐踏碎殘紅。不敢行。一封羅惜春良計。誰來助情。惜花怨苦。誰來辨明。悄無言立盡鞦韆影。



早羅歌

同上

早羅袍

牆外跼的跼跼。是誰家公子策馬開行。金九

花下打流鶯。偷香手段原端正。

排歌

君無意妾有情。

隔牆空自眼睜睜。看不見恨轉增。夕陽揮泪杜鵑聲。

甘州解醒

同上

八聲甘州

東方月又明。辨盟香金鼎。下拜虔誠。姮娥

缺處幾時得許我圓成。

解三醒

清光照人孤另影。羞

覩牛郎織女星。驀然聽是誰家庭院銀甲彈箏。

解醒姐姐

同上

解三醒

夜深露春衫濕冷。悄把寒窗半扇。一髮報東君昨夜成婚。娉西女今朝已結盟。傷心跌碎菱花鏡。振滅瑤臺一盞燈。  
好姐姐孤幃冷。翻來覆去眠不穩。泪濕羅衫一片水。

姐姐揀海棠

仙呂入雙調 犯體較譜稍異

好姐姐

厭聽長更短。更推盡了銅壺寂靜。心慵意懶。方纔好夢成。  
月上海棠又被鷄喚醒。遊不到巫山許。

多佳景。

醉僥僥

雙調

醉公子 鬼病到晚來止前越盛他人行千金一刻價  
值非輕思省（二）（僿僿令）畢竟紅顏自來多薄命恨當初  
月下相逢眼底情

尾聲

梨花貌與桃花並潔白嫌紅兩鬪爭可惜春光去怎  
生

○閨情

照停雲館樂府舊本刻

唐伯虎

畫眉着皂袍

用尤侯韻

畫眉序

扶病倚南樓一幅鮫綃自裹頭怕風吹鬢冷

且。局。北。牖。嘆。韶。光。有。限。難。留。恨。寬。債。等。閒。禁。受。〔卑羅袍〕  
嬌。鶯。乳。燕。尋。儔。覓。友。狂。蜂。浪。蝶。度。花。穿。柳。怪。他。偏。  
把。芳。心。逗。

羅袍帶一封

〔卑羅袍〕  
怪。把。芳。心。逗。頓。教。人。想。起。舊。日。根。絲。秋。波。  
含。淚。脂。珠。流。春。山。翠。鎖。看。雙。顰。〔一封書〕  
思。悠。悠。冷。颼。颼。一。陣。黃。梅。雨。漸。稠。

一封付黃鶯

〔一封書〕  
黃。梅。雨。漸。稠。况。味。君。家。知。道。否。捱。不。去。那。愁。

眼前無心上。有。點。點。疎。螢。穿。竹。徑。冉。冉。紅。英。逐。浪。灩。  
黃鶯兒 控金鈎。紗厨放下。欹枕數更籌。

黃鶯叫集賢

黃鶯兒 欹枕數更籌。對孤燈。相廝守。情人要見不能。  
勾。萍踪遠。遊魚書未收。鶯鶯夢散驚蓮漏。集賢賓 心  
病久。一向藥湯苦口。

集賢伴醉公

集賢賓 藥湯味苦難下口。那人已在揚州。誰料今番  
奴出醜。拈班管錦字親修。姻緣未偶。罵狠毒。忒無前。

後。醉公子。休忘舊。但願得。蚤蚤歸來。莫教僝僽。

醉看貓兒墜

醉公子。僝僽。這離情。何曾慣。受負沉李浮瓜。共誰酌酒。知否。撇得人。冷冷清清。獨坐羞看。葵與榴。貓兒墜  
心憂甚。日似相逢。織女牽牛。

貓兒趕畫眉

貓兒墜。牽牛織女佳會。在初秋。有分終須成。配偶雙環。何日大刀頭。休休。畫眉序  
蚤滿地。黃花瘦。看看又過重九。

尾聲

重九過黃花瘦。他那里醉偎紅袖。教我扶病登高獨倚樓。

此詞犯體名目。皆譜中所不載。第其中前后綰合實有苦心。不忍令作者精神付之沉沒。故兩錄刻。或亦可備新增一體。其稿悉本之停雲館樂府舊刻。較坊本稍異。讀者辨之。嶺樵

越調

○題情 已刻

王元和

小桃紅

用蕭豪韻

暗思昔日配春嬌。不知是那一點花星照也。向懽娛  
中沉埋一段舊根苗。自從見了那多嬌。和咱有鶯鶯  
期。鳳鸞交。鴛鴦侶。直勾引得蜂蝶鬧也。恨不得折損  
柔條。誰承望五陵人。先能勾小蠻腰。

下山虎

芙蓉錦帳喜度春宵。說不盡跼踖踖處。他有萬般小  
巧。怎割捨得葉損枝殘。並開辦凋。蚤一樹鉛華春事  
了。是咱思算少。又被傷人。一謎攪。猛可地祇神廟頓。



然火燒取次藍橋又被水淹倒。

山麻楷

又名麻郎兒楷俗以客誤也

記痛別低低道休得要爲我愁煩。因我煎熬多嬌又兀自怕瘦。損了潘安容貌。越教人悶填滄海恨。侵雲漢愁鎖霞霄。

五韻美

爲恩情傷懷抱。追遊玩賞緣分少。蚤朱顏不覺鏡中老。書齋靜悄。不敢展文公家教。但只是排香案。浣兔毫。纔落紙寫出風情。翰林舊稿。

蠻牌令

織錦字寄英豪。焚金鼎。禱青霄。端詳雲翰墨。越教人  
悶難熬。全不記雲期雨約。只說是玉減香消。他說道  
風流汗濕主腰。跼登的在他心上拴牢。

五般宜

他那裏紅粧殘頓。憐楚腰。咱這裏春衫袖濕。漸成沈  
腰。他那裏血淚滴搵。絞綃。咱這裏行裏坐裏。五魂縹  
緲。他那裏擔煩受惱。咱這裏離多會少。莫不是普天  
下相思咱和伊都占了。

吳騷合編

卷之三

江頭送別

懨懨煎病。懨懨煎病。甚藥醫療。相思害。相思害。甚時斷。勦不敢與人分明道。只落得夢斷魂勞。

江神子

莫不是咱無福分。消莫不是我命蹇難招。莫不是老天斷續鸞交。天還知道。恁寂寥。敢只是和天瘦了。

尾聲

眠思夢想如花貌。這情況有誰知道。只有一盞孤燈。昏昏的伴到曉。

○代寄南都褚舊姬

已刻

梁少白

小桃紅

用先天韻

江東逐客。冀北歸鞭。嘆來往一似梁間燕也。寥落關河底。飄泊是何年。東風裏。哭啼鵬。空奔走。會芳亭。麗春園。秋香館。直踏通朝雲殿也。笑殺漁郎。緣分淺。謾回首。各風烟。知何處。武陵源。

下山虎

金陵佳麗。粉黛三千。誰喚飲司花吏。可便萬中堪選。怎知有燕乳鶯雛。花濃柳鮮。似蝶翅翩翩。風外軟。沼

上湘簾捲。一朵紅粧出水蓮。聞說道名爲舊織。柔可憐。未許并刀却把小紅剪。

山麻糍

註前

試叩却深深院。誰知道會你良姻。就我芳緣。嬋娟天生下一種的芙蓉嬌面。霎時間意猿心馬。玉憐香惜。思惹情牽。

五韻美

向紅樓行遊遍。清歌妙舞多歡宴。似娘行真覺衆中鮮。香閨靜掩。羞簡點銀蟬。金鈿但只是描蘭草。展翠

箋傷千古。寫出南朝。都是故宮廢苑。

蠻牌令

初掩映。夜燈前。衷腸事苦難言。蘇卿情性微。都付與  
四條絃。一心念雙生。軟款。那裏管上水茶船。今日裏  
臨邛路。豈偶然。跣蹣蹣。更將琴韻偷傳。

五般宜

他肯戀章臺。中青驄錦韉。他豈想侯門貴戚。翠屏綺  
筵。他是個新謫的洞中仙。咱這個谷口渡口。採芝劉  
阮。他那裏情何婉變。咱這裏行當黽勉。雖則是擔閣

了盟言料佳期應不遠。

江頭送別

傷春瘦。傷春瘦。別來誰。春悲秋。淚悲秋。淚會須自遣。  
不久錦堂還重見。休只管。日夕熬煎。

憶多嬌

他志堅。咱意專。盈盈牛女一水間。難道月圓人未圓。  
暗告蒼天。暗告蒼天。有日星迴斗轉。

尾聲

年華輾轉。銅壺箭但促急音書無便相憶。看雲白。晝

眠。

○夜思

墨憨齋收本較原稿異

唐伯虎

亭前柳

用車遮韻

瓶墜寶簪折。人遠信音賒。又蚤黃昏到。欹枕暗傷嗟。  
合被兒怎地溫得熱。冷似生鐵。淚滴點漸成血。

前腔

嚏噴沒休歇。耳朵兒鎮常熱。聽得蕉鼓動。今夜又回。  
絕。合前

早羅袍

仙呂

吳騷合編

越調卷三

二十七



負却花臺月榭。奈玉簫聲斷。遠樹雲遮。賞春羞向七  
香車。因循過了清明也。離愁百種。放不下些珍羞百  
味。喚不下些。合心兒待捨教我如何捨。

前腔

最苦如年長夜。聽瀟瀟窗外。細雨不絕。自從陽關與  
郎別。衾衣獨自。熏蘭麝。相交情重。好的記些相思魂  
斷。夢兒做此些。合前

下山虎

香羅難挽。錦帶雙結。一任他雲鬟亂。好花倦折。那更

繡線慵拈。水沉懶爇。無限淒涼。捱未徹。從去後。半年別。整思量。幾個月。令女伴中難說向。把金錢暗跌。猶怕他人輕漏洩。

前腔

待他歸後。看他怎說。害得伶仃瘦。你忒狠切。直教他跪到更深。柳梢上月。管取雙膝上都見血。下得恁拋撇。轉思量。添哽咽。合前

尾聲

鸞鈴聲響。依然歇。暢好是冤家歸也。把受過淒涼。從

頭慢慢說。

太霞新奏評云。此套詞甚本色。而腔多不叶。三  
籟頗嚴於律調。乃推爲上乘。吾不解也得墨愁  
收本爲之一快。

○秋夜有懷

已刻

楊夫人

綿搭絮

用尤侯韻

本調近詞

長空如洗。薄暮雨初收。誰駕冰輪碾破琉璃萬頃秋。  
怕登樓。牽惹離憂。總使清光照我。未審可照他州。想  
是獨宿嫦娥也。與人間無二愁。

前腔

花容消瘦。默默自含羞。猛憶當年。枉把明珠暗裏投。  
甚來繇去。覓封侯。未審青驄何處。浪蕩他州。爭奈分  
短緣。慳兩地相思一樣愁。

前腔

人問天上。今夕是何秋。看織女牛郎。已度銀河配鳳  
儔。恨無休。兩淚交流。不是姻緣反目。思變爲讐。自歎  
命薄紅顏。翻做了招魂宋玉愁。

前腔

寒衣未授。大火又西流。只見北雁南來。衰草茫茫無盡頭。望歸舟。人倚西樓。一似黃花消瘦。鬼病難瘳。又聽吹笛。誰家落日山陽。都是愁。

○春日閨思

已刻

范夫人

綿搭絮

用蕭豪韻

薄寒輕悄。紅雨染春條。翠襯香雲。一片煙絲軟蝶嬌。杏花梢。啼鶯聲高。閒殺鞦韆院落。睡損鮫綃。攬得悶對芳辰。結思空拈白玉毫。

前腔

落英鋪繡。景色艷。河橋簾影疎疎。曉日瞳朧映柳梢。  
鏡花銷翠黛。慵描。吟殺蠟螭。塞遠離恨天遙。斷送得  
短嘆長吁。三度瓜期折大刀。

前腔

春歸院小。風暖淡雲飄。戶外青山繚繞吹絲送伯勞。  
總無聊。都上睂梢。想殺曲江詩酒錦字宮袍。拋悶得  
粉剩脂殘。腸斷東風爲玉簫。

前腔

棲遲荒檝。落月戶梁高。露白中庭風細雲波竹影拋。

吳騷合編

聽銅焦旅雁天遙。愁殺金鞭難杓。寶旆烟消折倒得。  
望眼將穿。甚日脂車萬里橋。

黃鐘富貴纏綿越調。陶寫冷笑。蓋有味乎其言。  
也。故惟句字得體音調出焉。邇來作者既不究  
心歌者亦復信口。張公李帽。其不見嗤於明眼  
者幾何。是選諸作可稱盡美。然兩調清濁高下。  
自有正聲去支離而留大雅。是所望於知音者。

商調

麗情 已刻

梅禹金

山坡羊

用齊微韻

此調卽山坡裏羊

嬌滴滴一團風味。熱急急萬般情意。俏婷婷柳絮隨風。軟怯怯一似梨花雨。分外奇輕翻燕子飛。風流雅調。不是尋常趣。却笑洛水湘波。空教魂夢迷堪題。飛煙也不如還疑。此紅兒也讓伊。

玉交枝

仙呂入雙調

粉塋香膩。淡春山灣灣兩眉。金波眼底生秋水。燦香痕一點。唇朱搗筆十指如玉莢。輕歌一曲。春聲細落花輕。筵前舞衣飛檀屑。枕邊笑語。



忒忒令

同上 此調與譜未合

透骨髓風流怎醫牽魂夢相思忒癡因此上春心賺  
入鴛鴦計怎肯忘恩義掌上珠心頭氣料情難轉移

好姐姐

同上

共結嬌香嫩蕊願世世在天在地天長地久此情不  
暫離傷人忌隨他舌劍唇鎗利怎忍得耳畔心頭生  
是非

川撥棹

同上

星前誓憐可可只自知但願得兩下常依但願得兩

下常依把恩情似山高水低山樣高無了期水樣深  
無盡底。

尾聲

鴛鴦帶綰鵲鵲翼把別樣風情再莫提。輪却我半世  
真心都在你。

○題情


已刻

陳秋碧


山坡羊

用東鍾韻 又一體

風兒疎喇喇吹動雨兒淅零零風送雨兒淒楚風兒  
橫繡幕中燈兒一點紅燈兒照破人兒夢夢遠巫山



萬葉集  
卷之八



若個峯。朦朧徘徊兩意濃。匆匆歡娛一霎空。

早羅袍

仙呂

翠被。今宵寒重。聽蕭蕭落葉亂走簾櫳。綠雲堆枕。鬢鬆不知潤。却金釵鳳。惱人階下。淒淒候蟲驚心樓上。璫璫曉鐘。無端畫角聲三弄。

解醒帶甘州

同上

解三醒

最無奈。漏長更永。怎支吾恨多愁冗。夜深私

語無人共。其他那里驟青驄。笙歌醉迎花笑擁。多應是

蘇小湖頭柳市東。

八聲甘州

牽情一霎時。採遍芳叢。

玉抱肚

仙呂入雙調

音書誰送。知隔着關山幾重。見如今水濶山高。促急裡怎覓鱗鴻。寒衣費盡剪刀工。線線針針手自縫。

掉角望鄉

仙呂

〔掉角兒〕

一任他浮跡浪踪。終須是有箇相逢。既然他

能全始終做來的儘。自包籠告神靈都無用。捧玉鐘。流霞滿泛。親陪奉。

〔望吾鄉〕

生前共死後從。願再把握連

枝種。

尾聲

寵愛深。恩情重。風流過犯。且姑容。多少閒言。過耳風。

○秋閨對月

已刻

駱永叔

山坡羊

用江陽韻

碧雲窩。水輪初上。畫闌前。珠簾微漾。巫山外。凝眸漸。  
遙繡幃中。種種添惆悵。玉鏡明。香奩照晚粧。想年時  
共飲蒲萄釀。到如今。冷落銀屏。獨與姮娥相向。淒涼  
冷。蕭蕭對月光。寒蛩語。啾啾錦砌傍。

五更轉

南呂

浸樓臺。銀波漾。掛梧桐。映粉牆。鴛鴦瓦。冷寒浸幌。聽

吹笛關山聲。聲聲悽愴。悶倚闌。慢自把心兒想。驚簫已斷秦樓響。未審蕭史何方。空負風清月朗。

圓林好

仙呂入雙調

露華濡團花繡裳。雲樹隔萍踪。渺茫恨耿耿。銀河相望。人何處。月當窗。秋已半。鬢驚霜。

江兒水

同上

影映蓮花白。清浮桂子香。水晶宮冷鮫綃帳。彩雲歌徹瑤天上。霓裳舞罷裙空颺。砧搗長安深巷。縱有天風吹不到。玉關情況。



玉抱肚

同上

沉吟半晌。霧空濛。花陰轉廊。歎烏鵲飛遶南枝。盼青  
鸞目斷西廂。木壺珠箔冷銀牀。瑟瑟金飈送夜涼。

川撥棹

同上

薄倖知誰向。辨虔誠。叩上蒼。拜三星。倍慘參商。拜三  
星。倍慘參商。斷人腸。悲笳韻揚。思悠悠。夜未央。漏沉  
沉。恨轉長。

僥僥令

雙調

金鈴村犬吠。錦字塞鴻翔。月落霜飛。鴛被冷。縱攜手

陽臺夢一場。

尾聲

月重圓、梅應放。願歸鞭冉冉返衡陽。共擁紅爐再舉觴。

○題情 已刻

文衡山

山坡羊 用尤侯韻

春染郊原如繡。草綠江南時候。和煙襯馬滿地重茵厚。堪醉遊。殘花一徑幽。烏衣巷口還依舊。燕子歸來人在否。添愁。桃花逐水流。還愁青春有盡頭。

前腔

花褪殘紅香瘦。院靜綠陰清晝。荷香扇暖撲面薰風。  
透景物幽臨池送酒籌。齊紈扇底聞歌奏。也勝蘭橈。  
杜若洲。恁憂亭亭映碧流。還憂情多似拙鳩。

前腔

一種情根迤逗。兩簇睂峯頻皺。前番病了兀自今番。  
又心暗羞。區區一楚囚。黃花也笑我。因誰瘦。只爲冤。  
家教我出盡醜。休休。春風燕子樓。颼颼秋風鬢欲秋。

前腔

野寺晨鐘聲驟驚。夢魂飛。巫岫雲收雨歇。獨自空。傷  
憊。被裘頭無端淚暗流。雙眸強合不能勾。這未了的  
相思甚。日鈎悠悠。料恩情逐浪鷗。無繇知音書收未  
收。

○代謝少蘊寄情

已刻

梁少白

山坡羊

用魚模韻

亂紛紛。簾櫳風絮慢騰騰。紗窗香炷重疊疊。江東暮  
雲密。匝匝渭北春天樹。途路紆衡湘。絕雁魚。巫陽夢  
遠魂千里。獨倚危樓。故人何處。嗟吁。目斷開河一紙

書。淒。其。况。復。東。風。花。落。餘。

○代葛雲卿寄情

前腔

用家麻韻

靜。陰。陰。夕。陽。初。下。冷。蕭。蕭。重。簾。高。掛。暗。昏。昏。殘。燈。半。  
明。疎。喇。喇。幾。陣。西。風。大。淚。似。麻。方。知。一。念。差。傷。心。最。  
苦。簷。前。馬。門。掩。清。秋。更。無。此。三。話。嗟。呀。何。事。當。初。悞。信。  
他。冤。家。着。甚。來。繇。辜。負。咱。

○代王幼玉寄情

前腔

用尤侯韻

記匆匆霎時成就喜孜孜連宵拖逗怨迢迢經年別  
離悶懨懨鎮日間窮究自浪游恩情一旦休河橋記  
得頻回首望眼盈盈淚沾羅袖難留恨殺西風下水  
舟離愁流到揚州古渡頭

○代劉季招寄情

前腔 用江陽韻

病淹淹難醫療的模樣軟怯怯難存坐的形狀急煎  
煎難擺劃的寸腸虛飄飄難按納的情和況空自忙  
全然沒主張盟山誓海都成謊輾轉書來更無的當

淒涼爲甚更長似歲長。蕭郎莫認他鄉是故鄉。

○秋閨 已刻

高東嘉

二郎神

用尤侯韻

人別後。正七夕。穿針在畫樓。暮雨過紗窗。涼已透。夕陽影裏。見一簇寒蟬。衰柳水綠蘋香。人自愁。況輕拆鸞交鳳友。合得成就。真箇勝似腰纏跨鶴揚州。

前腔

換頭

風流恩情怎比。牆花路柳。記待月西廂。携素手爭奈匆匆話別。霎時雨散雲收。一種相思兩處愁。雁來時。

音書未有。合前

集賢賓

西風桂子香韻幽。奈虛度中秋。明月無情穿戶牖。聽寒蛩聲滿牀頭。空房自守。暗數盡譙樓更漏。合如病酒。這滋味。那人知否。

前腔

功名未遂。姻緣未偶。共簇箇看頭惱。亂春心。卒未休。怕朱顏去也難留。明珠銜售。不如意十常八九。合前

黃鶯兒



霜降水痕收。迅池塘。已暮秋。滿城風雨，還重九。白  
人送酒烏紗帽。戀頭思憶那人一似黃花瘦。令強登  
樓。雲山滿目。遮不斷。許多愁。

### 前腔

惟酒可忘憂。奈愁懷不殢。酒幾番。血淚拋紅豆。相思  
未休。淒涼怎守。老天知道。和天瘦。令前

### 琥珀猫兒墜

綠荷蕭索無可蓋。眠鷗淺碧鄰鄰露。遠洲羈人無力  
冷颼颼。令添愁。悄一似宋玉賦高唐。對景傷秋。

前腔

一簇紅蓼相映白蘋洲。傷水芙蓉兩岸秋。想他嬌艷  
倦疑睂。合前

尾聲

一年好景還重九。正是橘綠橙黃時候。強把金尊斷  
送秋。

○閨思 已刻

梁少白

二郎神 用尤侯韻

相逢久。笑春來尚分飛似舊。記軟弱身兒年紀。幼重

簾不捲。蕭條獨坐危樓。爲甚麼。慊慊如病酒。空思愛  
未曾消受。莫淹留。竟不念。匆匆歲月如流。

鶯啼序

錦堂風月。今又秋。參辰還自昴。西。定非關。途路悠悠。  
不干魚雁。差謬。奈花管唇。鎗戰爭。更錦陣。心兵輻輳。  
無共有。只落得。浪傳人口。

簇林鶯

空挑鬪。難斷頭。爲高唐。雲未收。朝朝暮暮。在陽臺右。  
情深怎休。恩深怎丟。因此上。明知未偶。還拖逗。夢悠

悠三星天外空戴月如鉤。

咏木兒

黃鍾

曾留戀。幾浪游。秋水春山常聚首。記花陰。清晝攜琴。  
想燈前。午夜藏闌。更憶他。修書漫捲羅衫袖。高歌半  
解香喉扣。訂約偷回扇底眸。

滴溜子

同上

天台渡。天台渡。桃花水流。章臺路。章臺路。柳條報秋。  
誰道。落人機。穀崑崙。是何處。與奴施妙手。把往日思  
情。一旦盡勾。

水紅花犯

正值陽回九九被何人苦逗遛奈阻隔去無繇冷颼  
颼卿卿知否多應獨倚小窗幽東難按重門誰扣四  
五年光陰虛度三兩行淚空流淒淒切切殢人愁也  
囉。

尾聲

景淒涼人倂憊相思孽債幾時休直待要海燥江枯  
方罷釣。

○暮冬閨怨

已刻

楊用修

二郎神

用庚青韻

分鸞鏡爲脉脉相思愁病頃刻光陰冬已剩隴梅岸  
柳那堪枝上春生共渡寒江一夜程怎挨得恹恹薄  
命恁伶仃枉修眉蹙損將誰藥裹醫經

前腔

換頭

恩情當初錯認今成畫餅似水底燈前花月影甜言  
蜜語誰知有口無憑萬種恩情一片冰單得個蒼天  
作證恁關情枉腰圍瘦損無端心緒膏騰

集賢賓

雕梁燕子雛。又生啾啾暗度窗楹。把我離懷提掇醒。  
病難除。夢又無成。心中自省。何日得那人懽慶。成孤。  
另有誰問粉枯脂剝。

前腔

海棠零落添暮景。一輪月可中庭紅燭無心。花下乘。  
向人前不敢招承。孤形才影。尋不出些兒話柄。把羅。  
襪整。怎奈何露多花徑。

黃鶯兒

何處杜鵑聲。漏沉沉。月二更啼殘。蕭寺閉鐘磬。神魂。

暗驚相思倍增。離人最怕愁難聽。拜三星淚珠不斷。  
添的箇曲池平。

前腔

何處又吹笙爲兒郎。焦仲卿與伊同事還同病。淒涼  
怎經離愁怎生。花間宿鳥棲無定。恨多情分明忌却。  
翠幕與銀屏。

琥珀貓兒墜

無聊無賴。菲屋聽鷄鳴。遠岫烟消斗欲橫。轆轤聲已  
響。丁丁。魂靈想着那人兒。欲罷無能。



前腔

倦開粧閣。吹滅短檠燈。紅日搖窗風愈冷。焚香拜禱。  
紫姑靈。惺惺休把竝頭蓮。做了水上浮萍。

尾聲

臨行曾把佳期訂。此際雁鴻難定。何日得明珠掌上。  
擎。

○擬漢宮春怨

有序已刻

梁少白

宮詞之作。其來已渺。與時高下。具體紛紜。援雅  
琴而變調。方無愧于長門之篇。顧女史以問詩。

始有得于自悼之意。洽及南國。降自唐家。香詞  
滿案。無非怨望之音。秀翰盈箋。盡是嬉游之句。  
淚痕不學君恩斷。悵悵何深。不是思君。是恨君。  
含冤尤甚。而且密奏入月。仲初已墮于誨淫。近  
覓祇承。禹王實淪乎導欲。是皆哀過于中。樂失  
其正者也。況漢氏篇長。唐人調短。蔓延急促。未  
協宮商。因簡形管之編。偶閱掖庭之籍。歲華虛  
度。永巷幽深。氣候不齊。阿房寥廓。感女弟之進  
始焉。寵冠乎椒風。悵官人之斜終。則魂游乎薤

露。于是聲從新譜詞。按舊宮。用寫曠女之幽懷。  
聊述空閨之微言。雖未盡風人之緒。亦以見愛  
君之情云爾。

二郎神

用先天韻

銅壺轉。奉箕箒。又平明。金殿記。少小披香。曾侍宴。驚  
輿別後。椒房寂寞多年。只聽得。風送西宮歌。吹遠歎  
命薄。承恩何淺。恨無緣。總黃金求賦。文章更有誰憐。

前腔

換頭

花磚飛。英飀疊。湘簾高捲。奈春鎖重重。深小院。悄鞋

侵荒薜。瑤階欲下還旋。何日得碾破蒼苔。留玉輦。愧  
隨例。雖朝空見恨無緣。總黃金求畫。丹青竟有誰憐。

集賢聽黃鶯

集賢。思家何處。魂夢懸我淹淹。弱息難延。九十日  
春光。愁過半。病膏肓。旦夕牽纏。腰肢瘦軟。官醫有倩  
誰呼喚。黃鶯兒淚綿綿。書封戰襖。投向阿誰邊。

前腔

閒宵欲賦。純扇篇。奈秋風篋笥空捐。月過房櫳。朱戶  
掩。這深宮。夜半誰喧。惟金鈴小犬。吠花聲隔簾窺見。

○淚綿綿詩題紅葉流向阿誰邊。

黃鶯兒

錦瑟倦調絃對春風泣杜鵑開簾羞覩雙飛鶯他那  
裏歌臺夜喧我這裏舞衣晝眠却緣何一宮咫尺溫  
涼變會無年鼎湖龍去除是共登仙。

前腔

粉黛浪三千念當初寵最先爲甚十年不識君王面  
非君故偏似妾故專而今追悔又難重見會何年翠  
華雲暗除是共陵園。

琥珀貓兒墜


煙橫閣道。日落斷傳宣。魚鑰隨收。金鎖穿花房夜搗。  
守宮鮮。天天又蚤。是門掩黃昏。銀燭空燃。

前腔


君恩浩蕩。豈是誤嬋娟。自恨孤身多命蹇。今生已矣。  
遠結再生緣。天天又蚤。是月落烏啼。玉漏空傳。

尾聲

傷心過處還消遣。自甘受一生微賤。聖主從教億萬  
年。



神龜仁泉溪  
竹排道





○代伎謝雙送別瀑泉王孫

未刻

高深甫

二郎神

川真文韻

西風緊、恨留不住。幾番征帆此夜人黯黯。離愁心上，  
忍寒、鷄殘月。催人似妬我良姻。三唱聲沉影一痕。報  
曉窗鵲傳初信。驀地裏、消魂霎時間。天涯海角、枕畔  
平分。

集賢賓

朝烟一帶迷遠村。蒹葭露冷江濱。無計從君舟楫穩。  
水中央、空惜離羣。菱花如粉。任憔悴、別來青鬢。鱗鴻

信。五雲高路隔朱門。

鶯啼序

霜花露草遺。泪痕甘自眼前承認。個心頭種種恩情。  
怕日後都化做愁根。有誰怜三秋永夜。弔隻影一鈞。  
殘燼。君須憫。芙蓉花搖落風塵。

啄木兒

黃鍾

慚風月隔笑顰。鳥鵲盟寒枕簟春漫自喜帶日寒鴉。  
蚤飛傍聽雨長門。君心去留渾無准。妾身死生能相。  
信。望眼將傳石上神。

吳騷合編

八

卷之三

黃鶯兒

芳草戀王孫。遍天涯。付轉輪。你是迷香洞。掌鶯花印。  
生平此身。知心是君。相逢莫作尋常論。意兒真。分鞋  
破鏡。憐取眼前人。

琥珀貓兒墜

姻緣兩字。空自計。朝昏。執扇情多。易怨嗔。巫山巫峽。  
夢無因。溫存怎得箇。君能爲雨。我作行雲。

尾聲

堪憐柳色。章臺嫩。莫把這桃花。當避秦。須索要蚤向。

春風一問津。

○秋夜病中懷舊

有引未刻

張旭初

病鬼牽纏。愁魔竊發。沉復秋聲。聒耳驚搖。欲絕之魂。春夢勞神。痛酒將枯之血。腰瞿同沈。瘦嘆枯槁之不如。鬢亂頻潘絲。惜霜華之輕點。膏騰無主。事事傷心。潦倒難堪。沉沉刻骨。因借官商之韻。漫排憂鬱之衷。爰有是作。

二郎神

用蕭豪韻

寒衾峭。嘆瘦骨棱棱。痛怎熬。恍惚魂隨天外。繞翻來。

覆去無端幽恨重挑。心事偏將心病炒。熱身軀倍增。  
炮烙惡根苗。只落得枕邊紅淚頻拋。

前腔

換韻

蕭條沉沉永夜漏傳偏杳。况哽咽寒蛩鳴砌草。似聲  
聲啼怨。將人暗地吹敲。悔容易當初彈別調。怎怪得  
牽衣唔噪。病根苗添得箇胸前愁塊難消。

集賢賓

參苓徒費奪命膏。似水石頻澆笑殺玄霜空。自禱記  
前秋病裏劬勞。黃昏清蚤藥共食親司鑪竈。相看好。

笑盈盈道記添衣襖。

前腔

別來夢裏常會着。依稀光景如昨。楊柳樓頭新月小。  
飛碎玉共醉葡萄。頻移寒燠。轉眼處紅香零落。顰與  
笑。笑。笑。都是黃糧一覺。

黃鶯兒

淫雨嘆連宵。怪狂飈轉怒號。驚掀斗帳寒威暴。碎琉璃  
那遭。剗瓊枝那朝。風波一似今番惡。枉神勞。想從  
來好事強半不堅牢。

前腔

燈滅篆烟銷。再吹。蒸伴寂寥。還嫌隻影空相弔。剗柔腸似刀。炙憂心似燉。飄搖狼藉。如衰蓼。嘆柔條。慄慄殘息。偏遇雪霜高。

琥珀貓兒墜

鄰鷄初唱。夜色尚迢迢。隱隱鐘聲出。麗譙幾回睜眼。望明朝。徒勞推不去。剩雨殘雲耳畔。瀟瀟。

前腔

林梢欲曙。宿鳥正離巢。歷亂偏從簷際擾。朦朧合眼。

又驚覺。焦燥博得箇渾身透。濕汗雨如澇。

尾聲

強擡身披衣靠。嘆癡情綿纏不了。只怕病淺愁深難自保。

○秋閨 已刻

吳崑麓

集賢賓

用尤侯韻

芭蕉冷落秋夜幽。蕭蕭獨抱寒欄。歌枕俄驚窗雨驟。一聲聲惹起閒愁。珠拋玉溜。幾側耳幾添憊。空自守。這淒楚爲誰擔受。



黃鶯兒

風颺繡簾鉤。和蕉聲帶雨浮。夢回幾陣殘更候。似蛩聲更嗽。似砧聲更稠。浙零零苦把淒涼奏。思悠悠都將別恨收拾上眉頭。

猶兒墜

芭蕉色褪陰綠減。深秋汎復輕分彩。鳳儔那禁蕭瑟。雨颼颼。令堪憂。最苦是長夜如年。漏滴譙樓。

前腔

短檠半滅。應怯照人羞。空把明珠暗裏投。淋漓滴翠。

淚雙流。令前

尾聲

西風吹雨。紗窗透。魂斷處。香消金獸。忽聽鷄聲報曉。  
籌。

○秋怨 張伯起改已刻

沈青門

集賢賓 用江陽韻

梧桐露冷生嫩黃。半簷秋浸紗窗。玉馬無情頻鬪響。  
頓驚開夢裏鴛鴦。教人暗想。怨只怨西風狂蕩。空悵。  
快。怎能。鼓倩魂重往。

前腔

記別時話兒都是謊。好教人暗裏徬徨。莫不是信着  
他人閒論講。他那壁廂背後輪鎗。難遮怎擋。俺只有  
青天在上。君細訪。枉了人算甚高強。

黃鶯兒

消瘦杜韋娘。慘離情。淚兩行。幾回怕入芙蓉帳。永殘  
麝香樓空。畫梁愁來暗覺。如天樣細思量。天猶較短。  
不比這愁長。

前腔

砧韻度東牆。月中庭。潮漸長。秋來倍覺添惆悵。詩閒  
錦囊余閒。象床相思暗把。濃愁釀。最心傷。數聲歸雁。  
淒楚過瀟湘。

琥珀猫兒墜

想。去秋。厭。傍。醉。倚。石。頭。床。戲。着。看。兒。畫。短。長。花。前。携。  
手。說。高。唐。蕭。郎。又。不。知。甚。處。迷。留。軟。玉。溫。香。

前腔

傾。心。吐。膽。博。得。個。假。乖。張。有。話。何。人。遠。寄。將。看。今。年。  
不。似。舊。行。藏。參。商。爲。甚。的。負。却。初。心。頓。恐。相。忘。

尾聲

夢兒裏。頻相向。還不了。生前孽帳。爲雨爲雲。在斷腸。  
此曲前四闕。散見沈青門唾窗絨內。予兄楚叔  
托名伯起。續而成套。誠如貫明月之珠。今若萃  
之璧矣。予兄精於曲學。凡吳騷舊本所載某某  
改刻。除江東白苧詞外。皆其手筆。特表而出之。  
以政同調。嶺樵附筆

○秋思 已刻

馮海浮

集賢賓

用魚模韻

離愁滿天沒處躲。下香階、權當騰那離了重幃還較。  
可見牛郎阻、隔銀河空、耽寂寞。眼睜睜一邊一箇他、  
和我百般的離不了愁窩。

前腔

青山淺、描雙黛鎖向天邊望。斷秋波、遠樹寒空煙淡。  
林畫眉郎那答兒磨陀。青春擔閣要相逢、陽臺一樂。  
無結果、糊突夢當甚麼喫囉。

黃鶯兒

烏兔轉如梭。急煎煎把俺磨。一年好景都零落、風兒

寒。奈。何。雁。兒。叫。怎。麼。雨。絲。兒。哨。的。窗。兒。破。冷。呵。呵。香。  
腮。紅。沁。只。疑。是。醉。顏。酡。

前腔

瘦。影。伴。姮。娥。呆。答。孩。怎。動。那。幾。樁。兒。慣。把。人。折。挫。疎。  
刺。刺。帳。羅。虛。空。空。被。窩。慘。淒。淒。長。夜。捱。不。過。眼。強。合。  
難。禁。枕。冷。又。添。上。淚。痕。多。

琥珀貓兒墜

雲。鬟。重。整。宮。樣。綰。青。螺。何。日。粧。臺。展。翠。蛾。幾。時。繡。榻。  
兩。情。和。因。他。帶。一。似。倩。女。離。魂。病。染。沉。痼。

前腔

扁舟閒繫盡日漾金波。水冷霜清舞敗荷。江湖滿地  
一漁簑。蹉跎却。不道孤負幽期。對景吟哦。

尾聲

好時光堪行樂百歲芳春有幾何。須及蚤回還錦繡  
窩。

○宮詞

已刻

沈子勺

集賢賓

用庚青韻

登樓倚闌看暮景。白漫漫天濶。雲平浸地面。池臺流



倒影透西風。月戶雲扃。花翹暗整粧樓下。飛螢不定。愁愈遲空。望斷碧梧金井。

簇林鶯

譜中無此一體不知所本

簇御林

鶯。環珮吹玉鈴。隔羊車。鳳城菱花獨舞青。

鸞鏡

黃鸞兒

淒涼四星迢迢五更碧。煙虛沉木銷金。

鼎料今生孤辰寡宿。不敢怨長庚。

啄木兒

黃鐘

寒風緊。鷲被輕溫。不過雙鉤羅襪冷。亂紛紛。葉走庭除。影蕭蕭。竹掃窗楹。自來羈人共悶。懷難爭競。况我

瘦身軀怎和愁腸掙。剛剩得擔害怕恩情骨一莖。

琥珀猶兒墜

秋蛩夜語委實不堪聽。啼樹官鴉不住聲。被相思業  
鬼攪魂靈無憑。怕只怕魂斷天涯有夢難成。

尾聲

夜闌燭滅人兒靜。疎櫺裡新月照人明。做殺姮娥無  
世情。

○閨情 翻北詞

沈子勺

集賢賓

用皆來韻

天涯自他爲去客。黃天音信全垂鏡。掩菱花終日待。  
濕湘裙。冷透蒼苔。青山點黛人更在。青山天外沒布。  
擺撲。繫地石沉蒼海。

啄木鷄

黃鐘

啄木兒。休回首。愁感懷。薄劣寬家心性。改假饒是線。  
斷風箏。落誰家也。要明白。愁來更覺愁腸隘。怎擔得。  
侬多相思債。別鳳離鸞。何日諧。黃鶯兒占卜卦錢排。

琥珀貓兒墜

移山迴海招贅相。公宅多就了除名烟月牌。迷留沒。

亂好難猜。多才敢只是柳葉眉兒。等你過章臺。

滴溜子

黃鍾註前

纔聽得砧聲住。角聲又哀。眼見得燈光暗。月光又埋。  
風景偏生慙慙。疎桐葉亂篩。蛩吟晚籟。那里是姮娥  
影。占了書齋。

尾聲

意中人。今夜知何在。猛隨風雨上心來。只落得淚點  
垂垂下兩腮。

○惜別

已刻

張熙伯

集賢賓

用尤侯韻

懷珠袖壁空暗投多應是運值辰勾錦鯉春鴻逐浪  
漚望音書恐難便有溪邊路口反一似夢中分手何  
須又向湘雲楚峽追求

前腔

恩情總是不自繇風塵慣使人愁事到其間應掣肘  
眼睜睜割斷綢繆人前背後禁不住熱心挑逗難罷  
手眼中血心上空流

黃鶯兒

牽惹恨悠悠。慘江聲、不斷流。情多淚染，楓林瘦，離歌  
馬頭離人渡頭。欲言難語。空憐憊恨悠悠。團團夜月  
羞捲上簾鉤。

前腔

心事暗藏閨。向誰行計去留。歲華苦共寒燈守芳春  
艷遊紅香酒籌。如今都被天除扣。事空謀。桃花流水  
歸路隔丹丘。

琥珀貓兒墜

山長水遠拚命寄浮蟬。此路分明是斷頭。門前何月

繫驂騶今後單剩箇故園幽夢舊日風流。

前腔

西風雁字天外信難修。心債何年是了休。如今欲會兩無繇。難剖教我名耽實受。事出虛收。

尾聲

青蛾愁簇絲絲柳。紅淚啼殘葉葉秋。怎禁這淚短愁長。教人不耐久。

○春怨

梁少白改已刻

陸包山

高陽臺

用車遮韻

此調卽慶青春

萬點殘紅。千林新綠。聲聲怨殺啼鳩。暮送春歸。芳心  
時爲愁絕。傷別。烏絲小字書空。寫有話兒和誰分說。  
頻教他歸來再整舊時風月。

前腔

以下俱換頭

悲咽冷冷。清清淒淒。楚楚黃鸝。又蚤啼徹。人在層樓。  
闌干十二。凭絕愁結。天涯遠隔。何日返。怎遣這望中  
流血。奈臨風無端懊惱。玉釵敲折。

前腔

難撇病染相思。愁耽悵。悵快陡覺精神悲切。絳燭花生。



蛾來又從搗滅情絕鱗鴻望斷音信杳暗自將鳳鞋  
輕跌任殘灰麝蘭待燼傭把香焚

前腔

愁結門掩殘春冷風疎雨那更那人長別地北天南  
淒然雨下屏絕難決爭知到今心頓改好情懷已成  
週相嘆巫峯重重霧霧一時迷疊

前腔

薄劣鳳友鸞交蜂喧蝶嚷怎忍鏡分簪折暗想花前  
幾回立地曾說情切溫存萬種誰似你這姻緣實難

拋撇慢回首端然如夢悶縈愁結

前腔

虛設繡榻銀屏鴛衾珊枕幾番猶自難熱縱有鸞膠  
斷絃何日重接懽悅人歸錦堂春復靄美春香紅透  
雙頰共畱連花堆錦片這回心恹

○ 閨思 已刻

楊彥華

字字錦

用先天韻

羣芳綻錦鮮香逐東風軟黃鸝弄巧聲提起傷心怨  
覩名園只見杏障桃屏桃屏上映着柳眉翠鈿天天

桃花隱約可不強似去年緣何去年去年人不見  
空蹙破兩眉尖空蹙破兩眉翠尖奈山長水遠知他  
在那里他在那里和誰兩箇歡歡喜喜瀟瀟洒洒咱  
這里思思想想心心念念我欲待見他一面

前腔

梅黃雨霽天漸覺南薰轉聲聲噪柳蟬對對飛梁燕  
盼庭前只見照眼葵榴葵榴上映着紅顏似染難言  
鴛鴦並頭怎不教人可憐知他共誰共誰相畱戀  
前合

不是路

離緒慙慙悄沒箇人兒在眼前空嗟怨何年何日重  
團圓恨綿綿關山極目情無限寫下花箋誰與傳豈  
思轉天涯蕩子何時返怎生消遣怎生消遣

鵲踏枝

卽滿園春一名遍地錦又名雪獅子

南樓外雁翩翩悄沒箇信音傳長空敗葉飄零舞金  
風動金風動鐵馬兒聲喧紗窗外透銀蟾合真箇是  
想殺人也天盼殺人也天短行寬家行短寬家音稀  
信杳莫不是負却盟言

前腔

換頭

彤雲布朔風起。遍長空柳絮飄綿。見幾樹老梅開綻。  
並銷金帳銷金帳。共誰兩箇同懽宴。空教人獨坐獸  
爐邊。合前

尾聲

終須有日重相見。相見後依然懽懽。辦佳明香答謝  
天。

○贈月來 未刻

沈伯明

字字錦 用先天韻

江風送彩船。吹下吳宮媛。遙聽奏管絃。知是虹橋宴。

柳堤邊。只是箇、舊生香。香生處、兀誰擁着、麗娟無緣。  
休文帶減。蚤則支枕、晝眠何能見伊。見伊多、嬌面空  
隔斷。楚湘烟空。隔斷楚湘暮烟。又萍踪浪捲。教咱盼  
想着。咱盼想着。美人此去。鶯湖小小。苕溪遠遠。禁不  
得離亭點點。征帆片片。俺待去心如箭。

不是路

銀漢斜懸。獨上江樓。思悄然。凭闌遍。見蟾飄桂影。又  
將圓意。俄延似蕉心吐。葉腸偷轉。藕節生花。眼暗穿  
從人願。歸飛雀舫。乘流便。乍來庭院。乍來庭院。

吳騷令編

商調卷三

六十二

滿園春

註前

輕盈態玉飛仙恍一似石家翺聽嬌喉一串驪珠顆  
堪腸斷堪腸斷看眼兒爭妍偏誰浪恣情喧喜殺人  
怎言愛殺人怎言美艷無雙艷美無雙端相覷也名  
兒下定不虛傳

前腔

換頭

空談劍枉執拂笑千秋女俠誰憐懊恨錦鴛無伴侶  
寒塘下寒塘下又聽幾聲陽關怨望蘇城一帶白雲  
天悵燈殘舞筵惜香飄酒前冷露無聲露冷無聲蛩

淒夜永。携囊去。莫忘裴縣。

尾聲

凝情沒。把霜毫展。一字字。迴腸百轉。何日當歌贈錦  
纏。

○秋閨怨 未刻

梁少白

字字錦

用寒山韻

秋來怕倚闌。沒樣堪經眼。寒鴉點夕暉。曲水縈村岸。  
指征帆。只見慘淡飛。雲飛雲表砌。着幾堆亂山癡。痕。  
天涯訪故可曾。一想瘦顏。明知別懷別懷。禁不慣拋。



得下影。鸞單拋得下影。鸞泣單。況多時未返。他今在  
那里。今在那里。便教苦戀。青樓鼓瑟。紅樓把盞。應念  
取西窗燭冷。東窗莖爛。則在鳳釵敲綻。

滿園春

霜臯外。清鴻翻錦織。就倩人難憑。誰寄語。無情子。風  
塵內。風塵內。裘馬兒如閒忙。回首辨歸鞍。蚤角吟也。  
殘。漸月盈也。殘。捱盡淒涼。盡捱淒涼。相逢漫吐。只付  
與袖泥啼班。止二支無尾

○秋閨 已刻

文衡山

黃鶯兒

用齊微韻

妝鏡畫愁眉。未凝眸、淚已垂。  
悔當初、拆散鸞凰配。如  
今未歸芳心付誰。總詩題紅葉、空自隨流水、隔天涯。  
願君如旅雁、萬里向南飛。

香羅帶

南呂

相思倚繡幃。離愁怎持。  
金樽未傾心已醉。冰絃欲理  
指難移也。此際無窮意。  
有天知。天應念妾妾念伊。  
惟  
有薄倖無情也。不念當初、炊爨屢。

醉扶歸

仙呂

對銀燈終夜長吁氣。整鴛衾空憶合歡時。怪蛩聲偏惱。獨醒人恨。嬋娟不照。孤眠處。怎能勾重合。鳳臺簫多應是。耽悞巫山雨。

好姐姐

仙呂入雙調

追思那日別離。兩下裏指天設誓。銘心刻骨。教他休負。虧成何濟。君心一似風中絮。飄蕩春江猶未歸。

玉山供

同上或作頽誤

玉胞肚

殘秋天氣憶蕭關。尚未授衣。自臨機欲織迴。

文未穿梭寸心先碎。

五供養

柔絲萬縷千里車輪難。

繫路遠書空寄卜歸期教人終日倚門間


香柳娘

南呂


看芙蓉滿地看芙蓉滿地兀自笑人憔悴對花無語  
含羞愧貯金蓮懶移貯金蓮懶移獨立望長空銀河  
隔牛女嘆朱顏漸頹嘆朱顏漸頹半向夢中消半向  
愁中去

尾聲

天涯草色心千里盼望王孫何日歸此恨綿綿無盡  
期



此據引漢趙文未詳  
按寸石生碑



○春思 已刻

楊夫人

黃鶯兒 用昔來韻

采藥憶天台。盼仙音、不見來。  
倚闌却把青鸞，惟香留鏡臺。  
明分玉釵，桃花流水，依然在憶天台。  
合歡雙帶，好寄與多才。

前腔

折柳寄章臺。雲牋錦句裁。  
銀筆翠袖煙花，塞千回。  
萬回傳杯放杯，故人惟有何戡在。  
記章臺牽情係愛，舞袖與弓鞋。

前腔

遙夜步、閒階恨玲瓏。音信垂三生未了，鴛鴦債道來  
不來說。諸不諧，窗殘夜月人何在。步閒階。藍橋路窄，  
空使燕鶯猜。

前腔

聽雨坐空齋。任閒花爛熳開，碧雲信斷，南天外。風搖  
綠槐露冷，紫苔詩人老去，多情在坐空齋。黃昏無耐。  
燈影照離懷。

○ 閨情

已刻

陳秋碧



鶯啼序

用庚青韻

孤幃一點殘燈忽地半滅猶明夜迢迢斗帳寒生展  
轉幽夢難成盼雕鞍把歸期暗數惟浪跡全然無定  
把前情自省說來的話兒無憑

黃鶯兒

無語對銀屏正譙樓鼓二更梅花不管人孤另疎鐘  
幾聲殘角又鳴薄衾單枕愁難聽瘦伶仃厭厭病骨  
離恨怎支撐

集賢賓

柳榆鬼病誰慣經。但舉步難行。翠鈿金釵無意整。好  
梳粧。一日何曾心懸意耿。自古道佳人薄命。淒涼景  
盼不到美滿前程。

滴溜子

黃鐘註前

芙蓉面芙蓉面。泪痕怎禁。楊花性。楊花性別離太輕。  
自是東君薄行。紅英空自芳。誰管領。浪蝶狂蜂休要  
鬪爭。

簇御林

天涯路長短。亭怨王孫芳草青。畫長羞把闌干凭。幾

身馬不歸  
番暗把鱗鴻倩。訴衷情。千言萬語。猶恐欠叮嚀。

琥珀猶兒墜

野花村酒他那里醉還醒。冷落誰憐。冬暮景。奴耽寂。  
寞。恁飄零。薄情不記花前月下海誓山盟。

尾聲

風流惹下相思病。只索把那人癡等。他没真情我須  
辦至誠。

秋閨

已刻

孫百川

鶯啼序

用蕭豪韻

梧桐一葉秋已凋。看斗轉西杓。夜長時更漏迢迢。在  
教人辜負良宵。透珠簾金風蕩颺。映綠窗銀蟾光耀。  
怎推到曉不覺的月上花梢。

集賢賓

朱顏可惜虛度了。況逢暮景良宵。日近天涯雲縹緲。  
呆打孩共誰歡笑。花陰月皎。對此際越傷懷抱。深院  
悄。西風起淚零多少。

黃鶯兒

蛩語絮叨叨。聽寒砧入夜高。雨催壞壁苔花老。助秋

聲晚潮。戰西風。柳條破。雲送月。朦朧照正。無聊誰家。  
短笛哀怨。度中宵。

琥珀貓兒墜

鏡鸞羞覩。忽訝臉容消。淡淡蛾眉。誰畫巧。帶圍寬褪。  
小蠻腰。寂寥。怎禁那。梧葉蕭蕭。亂下亭臯。

尾聲

何時盼得才郎到。對蒼天。焚香禱告。但願鸞凰一處  
交。

○麗情 未刻

沈伯英

鶯啼序

用歌戈韻

盈盈十五纔過美。曼睂修蛾。似霓裳舞罷。婆娑體態。  
不在輕羅。壓繁華。每拋脂剩粉。爲勝覽。好乘流。扶舵。  
把愁城。悶鎖都付與。澤國煙波。

黃鶯兒

無恙片帆過。正仙郎欲渡河。奈行雲尙與陽臺左。爲  
歡幾何。牽愁更多。還防着。眼人窺破。恨蹉跎。含嬌欲  
語。無計奈情何。

集賢賓

分違幾日緣再命正隱跡煙蘿此際紅鸞方証果兩  
鴛鴦並宿池荷把相思療可消不了些兒香唾難脫  
躲供養在眼角心窩

滴溜子

黃鐘註前

描蘭艸描蘭艸指兒似嗟歌金縷歌金縷臉兒半酡  
眼見芳心無那風波錦被中難停妥耳畔輕輕道今  
番快活

簇御林

蜂蝶鬪鶯燕聒浪兒每一任他隨風怎肯輕飄落惟

禍起天來大事多磨偏教妹妹不得傍哥哥

琥珀猶兒墜

算來人世會少別離多倚棹休彈珠泪願歸期約定  
敢輕挪知麼你跟前豈容一字差訛

尾聲

收將風月同擔荷願烟花寨莫遭祇廟火看此目魚  
兒相將渡愛河

鶯啼序首句據伯英詞譜仍七字而此曲乃用  
六字起蓋倣陳大聲孤幃一點殘燈句法也三



籟謂大聲曲實是孤幃一點將絕燈七字非六  
字然攷拜月亭有鶯集御林春曲乃鶯啼序二  
句集賢賓三句簇御林一句三春柳二句合成  
者起句如恰纔的亂掩胡遮聽說罷姓名家鄉  
句法正與孤幃一點殘燈相近卽少一字亦宜  
添在孤字之上若三籟孤幃一點將絕燈則與  
集賢賓起句一般何不直註集賢賓五句而必  
另註鶯啼序乎凡鶯啼序用七字起者皆犯集  
賢賓也或作換頭可耳因二曲腔調相近作者

多互犯。而又不得真正知音者辨之。其是非顛倒。吾不知所終矣。墨憨齋原評

○春思 已刻

陳秋碧

金梧桐

用尤侯韻

香膠爲解愁。酒醒愁依舊。斜月殘燈。正是愁時候。愁憑酒破除。酒被愁拖逗。酒力無多。酒去愁還又。愁深酒薄難禁受。

東甌令

南呂

花凝恨。柳含羞。花柳傷春人病酒。鶯啼燕語。清明後。

全不管人消瘦。剩雲殘雨。兩兩悠悠。遮斷晚粧樓。

### 大勝樂

同上俗以聖誤

桃源洞花事都休。許劉郎重到。否啼痕湮透。青衫袖。  
傷白傅。惱江州。這些時。瑤琴罷却。求凰奏。可正是紅  
葉誰人寄。御溝陽臺夢杳。苦追踪。問跡似無還有。

### 解三酲

仙呂俗以醒誤

忘不了共携纖手。忘不了西園秉燭遊。忘不了同心  
帶結。鴛鴦扣。忘不了羅襪雙鉤。忘不了香囊雜彩新。  
挑繡。忘不了百寶珍珠絡臂鞦。閒窮究。把嬌慵美愛。

盡付東流。

尾聲

好姻緣。還成就。繡幃錦帳。做網繆。月底新詩再和酬。

○惜別

已刻

曹含齋

金梧桐

用蕭豪韻

相思借酒消。酒醒相思到。月夕花朝。容易傷懷抱。慊  
慊病轉深。未審他知道。要得重生。除是他醫療。他行  
自有靈丹藥。

東既令

南呂

情山遠意波遙。咫尺粧樓天。漾高月圓苦被陰雲罩。  
偏不把離愁照。玉人何處教吹簫。辜負了這良宵。

浣溪沙

同上

我自招隨人笑。自古來好物難牢。我做了調漿崔護。  
違前約採藥劉郎。沒下梢。心懊惱。再休想畫堂中綺  
筵前。夜將紅燭高燒。

尾聲

我青春他年少。玉簫終久遇。韋臯萬苦千辛休忘了。

○冬日閨情

王百穀改已刻

陳秋碧

金梧桐

川魚模韻

漫漫瑞雪鋪密密形雲布兩兩漁蓑粧點江天暮  
無謝女才空想梁園賦學弄梅粧又恐天孫如無言  
半晌深扇戶

東甌令

南呂

思前事想當初有個人兒對擁爐雲屏霧障重重護  
却易把流年度如今人去影兒孤教我怎支吾

劉潑帽

同上

見白鷗皓鶴失鮮素雲鬢難雪蚤模糊攔截遊子歸

馬 1 卷  
來路折柳亭埋緊凍合停橈渡。

奈子花

同上

金鳧冷水清冰壺空閒却錦繡氍毹。闌珊鏤鏤零落  
流蘇。愁糊突夢中難遇。吞吐問前盟半點虛無。

浣溪沙

同上

風月招姻緣簿到如今一筆消磨癡心倩女成耽誤。  
薄倖相如下。狠毒心正苦。恠兩個寒禽兒向梅梢頻  
頻脈脈喚相呼。

金錢花

同上

拈來彩筆生疎寫就雪蕉畫圖。把病容愁臉細臨摹。  
寄與君。怕君難覩。崔家女。不是舊規模。

尾聲

晚來時添淒楚。嘶馬橋邊雪滿湖。正是夫戍蕭關妾  
在吳。

冬閨之曲。詞林最乏善調。而秋碧作者凡幾。牢  
騷淒切。俱屬可傳。韻選無劉潑。明奈子花金錢  
花三曲。今照舊稿增入。卽一二句法未合。亦不  
足爲全瑜之玷也。騷隱



○相思曲

翻北詞

未刻

沈伯明

金梧桐

用江陽韻

相思本自雙。未必雙思想。兩下難憑。與相字兒渾無。  
當他情有盡頭。俺意難丟放。獨自牽思。這單字應非。  
說單相思。另是一箇相思樣。

東隱令

南呂

單憔悴。自淒惶。怎把單字兒連。相厮混講。只爲多情。  
打不破情兒障。加一字在相思上。替他思想。爲他作。  
又似各牽腸。

大勝樂

同上

牽腸處還自斟量。這相思何必兩果。然咱想他亦想。  
只當那兩相忘。偏是箇落花點點。他自飄殘浪。方顯  
得流水潺潺。我只洗舊香思之惚恍。須索把無情有。  
意總付愁鄉。

解三酲

仙呂

他想我似鏡中留像。我想他似藕斷絲長。他笑我怎  
懸懸倒被生撇漾。我笑他也禁不得夢魂傷。只道是  
將咱留戀。我便不繫腸。倒不如撒地丟開。教我越慘。

傷心搖蕩絕勝似相思。淚酒兩地汪汪。

尾聲

轉愁煩添悵快焉。知不想殺那邊廂。又道我無心向  
你行。

○携孫姬雁來繡鞋

有序 已刻

馮千秋

蕪姬孫月小字雁來。棋酒娛人。琴書自樂。時人  
共傾其佳麗。夙昔自負乎情癡。弱足纖腰。是吳  
門之趙女。清歌妙舞。真北方之佳人。予落魄詞  
場。偶浪遊麗館。解我紉蘭之佩。竊彼綠絲之屣。

戲咏新詞。聊以慰牢騷云爾。

金梧桐

春風蘇小家。夜月徐卿榻。携得春歸香惹鮫綃。似  
奇葩。欲飄。半月光初發。白發輕細底。樣些兒大千  
金一捏。真非假。

東甌令

南呂

心兒念口兒誇。忙裏偷看分外佳。鳳頭啣出珠兒滑。  
滿繡猶如畫。芳蘭一朵。襯梅花綠萼映紅霞。

大勝樂

同上

向燈前影弄窗紗道成雙還是假記前朝竝立紅裙  
下似一對牡丹芽。抵多少芙蓉帳底鈎春話。楊柳樽  
前舞玉珈到手非容易也。且虛空摹擬權當杯斝。

解三酲

仙呂

料他們春眠纔罷把香衾仔細搜查江南枕上雖行  
踏些箇事落誰家。怎知我留香賺玉剛多霎。翻做隻  
影孤鸞路已賒。情無那守着他半絲紅線兩處波查。

尾聲

明晨再續花前話。依舊雙飛在碧紗。權守今宵一夜。

寡。

○傷秋 已刻

許彥輔

金梧桐 用尤侯韻

堪悲宋玉秋。秋老梧桐瘦。月滿疎林。又是黃昏後。砧聲幾處收。敗葉敲南牖。雁唳鴉驚。颯颯寒風透。人兒不見空僝僽。

東甌令 南呂

捱更漏。數更籌。紙帳梅花相厮守。蛩吟四壁。聲偏驟。叫出箇愁時候。支床不寐思悠悠。無語推衾裯。

吳騷合編

大勝樂

南呂

憶當初邂逅綢繆。在花間。携素手。尋芳拾翠。消白晝。  
閒闌草戲。藏鈎。只希望。朝朝暮暮。陽臺右。誰知道。前  
世燒香點斷頭。天涯人遠。似銀河。阻隔織女牽牛。

解三酲

仙呂

想着恁龐兒。依舊想着您那聲咳嗽。想着您燈兒。見前  
鬆却鴛鴦扣。想着您欹枕凝眸。想着您眉彎雙蹙。頻  
頻皺。想着您鬢髩雲鬟一段羞愁。還又兀的是雲消  
楚館。夢斷秦樓。

尾聲

洛陽花。章臺柳。想殺人。卿卿知否。何日把兩字相思。一筆勾。

○春思 墨憨齋改刻

古調

梧桐樹 用皆來韻

繁華滿目開。錦被空閒在。劣性冤家。誤得人忒毒害。前生少欠。今生債。不了相思。教人禁害。廢寢忘餐。倚定着門兒待。房櫳靜悄。如何捱。

東甌令 南呂



詩慵就。謎難猜。一別三春音信乖。多應他那裏貪歡。  
愛忘却。個人兒在。空勞魂夢到陽臺。展轉惱情懷。

大勝樂

同上

把一牀絃索塵埋。兩眉峯不展開。香肌瘦損愁無奈。  
懶刺繡。傷粧臺。鶯期燕約今都解。蝶使蜂媒不再來。  
臨鸞鏡也。照得我朱顏未改。郎意先改。

解三酲

仙呂

頓忘了。誓山盟。海頓忘了。眼去看來。同生同死。言猶  
在。拋熱語。臉相挨。頓忘了。盈盈笑解香羅帶。頓忘了。

緊緊雙勾紅繡鞋。今難再便。傷人聽了珠淚盈腮。

尾聲

把局兒牢鋪擺。思君不久便歸來。美滿前程百歲諧。

○春日題情

已刻

梅禹金

梧桐樹

用魚模韻

鶯啼柳外聲。燕遶梁間語。萬紫千紅水面飄香絮。凭欄細把花期數。九十春光一點知何處。一寸柔腸萬縷還千緒。那堪幾陣無情雨。

東甌令

南呂

吳騷合編

商調卷三

八十

天涯路。老藤蕪。舊月王孫歸去途。吳歌越吹青樓暮。  
多少銷魂處。東風無力倩誰扶。羞傅粉。怨調朱。

阜羅袍

仙呂

冷落綠窗朱戶。漸凋零。紫陌寶馬香車。荼蘼香霧怯。  
羅襦桃花歌扇。閒金縷。一簾春夢。偏驚杜宇。孤幃冷。  
落誰堪伴侶。芳心似共春無主。

尾聲

把歡娛。休孤負。只待滿身花影。倩人扶。醉倒黃公舊。  
酒壚。

○懷華亭秋水作

已刻

梁少白

金絡索

用先天韻

金梧桐

瑤臺一絳仙。原住朝雲殿。嫋娜腰肢。秋水雙

眸剪。塵緣未掃除。東甌令思牽纏。請向人間十八年。

暫辭王母離真境。針線箱聊逐東風上舞筵。解三醒

垂楊線。懶書眉看兒葉葉更堪憐。寄生子爲傷春怕

立簾邊。蚤落盡桃花片。

五更轉

南呂

羨畫梁。棲雙燕。奈姻親獨未完。檀郎慢自慢。自多畱

戀好事。蹉跎光陰如箭。念往回。空逗留。無方便。蒼天  
甚日。從人願。月轉迴廊。夜香庭院。

簇御林

今迢迢。路幾千。笑花神。未有權。任風開。落飄蒼蘚。但  
芳心。至死香不變。恨綿綿。幾多心事。都付十三絃。

琥珀猫兒墜

那人何處。消渴在文園。贏得文君眼。望穿陰雲。終散  
月終圓。婢娟須有日。飛向蓬萊。還寤生前。

尾聲

清宵白晝難消遣。含羞未敢向人言。只恐青樓作話傳。

○四時閨情

已刻

常樓居

金絡索

用家麻韻

金梧桐

東風轉歲華。院院燒燈罷。陌上清明看細雨。

紛紛下。天涯蕩子心。

東甌令

盡思家。只見人歸不見。

他合歡未久。難拋舍。

針線箱

追悔從前。一念差。

解三

醒

傷情處

懶畫眉

懨懨獨坐小窗紗。

寄生子

只見片

片桃花。陣陣楊花飛過了。鞦韆架。

前腔

用先天韻

楊花亂滾綿。蕉葉初成扇。翠蓋紅衣。出水新蓮現。金  
爐一縷微。蕤沉煙睡起。紗厨雲髻偏。無端好夢誰  
驚破。風外鶯聲柳外蟬。羞臨鏡。千愁萬恨對  
誰言。只見舊恨斜尖。新淚腮邊。界破殘粧面。

前腔

用尤侯韻

閒堦細雨收。翠幙新涼透。衰柳殘荷。正值愁時候。近  
來都減却。舊風流。爭奈新愁接舊愁。白雲望斷天  
涯遠。人在天涯無盡頭。相思病。無明徹夜幾

時休。○只見雁過南樓。月下西樓。人比黃花瘦。

前腔 用東鐘韻

銀臺絳蠟籠翠幄。金鈎控錦帳。紅爐獨自無人共。月  
明初轉過。○小房攏不放。清光照病容。愁聽畫角聲  
三弄。○吹落梅花一夜風。○關山夢。○魚沉雁杳信  
難通。○孤眠人最怕隆冬。正值嚴冬。做不就鴛鴦夢。

○代呂姬霏茵賦別 改刻

騷隱生

金絡索 用先天韻

金梧桐  
郵亭繫赤騶。別酒頻斟勸。執手叮嚀。兩下相





白石龍形  
所遠



畱戀思君萬種情

東既令

憶君言滿望生死飯依共

百年被孽風吹散于飛翼

針線箱

銅鏝分開並蒂蓮

解三醒

天涯遠

懶畫眉

那堪繡被冷紅鴛

寄生子

從

今後衰草平川何處把行踪盼

前腔

同前韻

人離在眼前別恨和心纏剩雨殘雲都是相思券歸

期在那些○待君旋莫使深閨望眼穿惟一鞭鞍馬

驚幽夢○何處鱗鴻覓錦箋○空悲怨○非君分淺

是妾無緣○從今後翠冷花鈿更香燼黃金篆

前腔

用寒山韻

斜暉映落霞。野樹連秋漢。颯颯金風生。折雙飛雁。觸處可憐人。○滯君難打送。離魂逐去鞍。奈半肩行李。重催促。○一曲騷歌唱欲闌。○愁無限。○淮陰匹馬甚時還。○從今後。夢裏巫山只落得空牽絆。

前腔

同前韻

寒衣贈白裘。別語盟青案。無限離情。叮囑于千萬。清淚眼看。○背君彈。想去後。思君病。漸癩。○春深花落重門悄。○夜永蘭膏照。影單。○空長嘆。○相看心。

事一般般。○從今後瘦損朱顏。甚日得重歡宴。

○寄別 未刻

龍子猶

金絡索 用江陽韻

金梧桐

曾叨金屋光。自小章臺養學得。青謳聲繞芙

蓉帳。連環輕解開。

東甌令

做野鴛鴦。惆悵東風沒主

張。幾多少夢回。王謝堂前燕。

針線箱

抵多少魂逐臨

叩弦卜屋。

解三酲

無名網。

懶畫眉

背人深處儘思量。

寄生子

正是舊恨難忘。新恨難降。亂滾滾桃花浪。

前腔

劉郎續阮郎。漢上兼梁上。風月塲頭。自把年華誑。流光似水花。眼前忙滋味。青樓也算嘗。也有个千金難買燈前笑。也有个一面能牽去後腸。空勞攘。離亭羞贈舊時香。這是前世餘殃。今世承當。折罰在平康巷。

前腔

五陵裘馬狂。七步才華廣。那富貴風流。浪宕終難仰。當時遇可人。在金閨。海水難將升斗量。俊眸慙妾非紅拂。俠骨知君似李郎。把真情講。十年脂

粉付滄浪。○却道柳折須長。花採須芳。這緊慢教人望。

前腔

春郊女伴將。月夜遊人訪。怯舞辭歌。靚面渾如強。孤燈夜永時。○自徬徨。覓得甜桃懶去嘗。情癡妾似離魂女。○負義君非李十郎。○頻來往。○相思病種入膏肓。○只怕今日西廂。明日東牆。蚤晚無的當。

宛轉歌原注云。譜所載末云一聲聲叫得淒涼。愁鎖在睂尖上。本只二句。卽琵琶記空爭着閒。

是閒非。祇落得垂雙淚。亦二句也。唱者卻增偏。  
要爭閒。是閒非。句陋甚。而時曲只見片片桃花。  
陣陣楊花。浣紗記那時節。異國飄零。音信難憑。  
俱用三句。不知何據。譜分註寄生子。而寄生子。  
本調竟缺。今從俗終爲未安。尚須查正。子猶識。

○招夢 未刻

沈伯英

金甌線解醒

用戈歌韻

〔金梧桐〕

相思沒奈何。離恨難消破。欲倩遊魂入夢尋。

則箇當初苦憶他。

〔東甌令〕

眼難合。但合眼依稀得見。



多如今夢裏也潛逃躲

針線廟

怨我那不做美無情

狠睡魔

解三醒

把芳魂鎖慣呵雲叱雨特地張羅

浣溪樂

南呂

浣溪沙

你曾送神女來高唐左與襄王結就絲蘿偏

生把我多摧挫直恁地書生緣分薄

大勝樂

如何是

可把降魔寶劍暗裡摩挲

春太平

宜春令

我心纔動他却笑呵道何須煩君太阿你自

體疲力倦赤繩在向君邊過假饒他倩女離魂也搖

不動你希夷高臥。醉太平但得你少眠一和須教送

與微步凌波。

### 奈子落瑣窗

奈子花

謝尊神呼醒南柯。奈在生才愧東阿。洛神擬

賦愁懷無那。閣筆處淚珠雙墮。瑣窗寒儘教收入變

聲歌。做成一串珠顆。

### 尾聲

酒在樽茶畱火。不醒不醉睡溫和。不信芳魂不見過。

三簾止載浣溪沙春太平二曲。於宜春令套曲

之後。謂二曲偶從譜末帙中得之。得句頗俊。苦  
無全套收之。然與驀忽地一套筆致如出一手。  
故附錄於此。不知此亦詞隱先生筆。刻情癡癡  
語中。三籟能辨之。似非門外漢矣。子衡先生筆

按商性屬金。於令屬秋。故昔人謂此調貴乎悲。  
傷宛轉良有以也。夫傷離寫恨。自餘感悼情有  
固然。但其間必有一種真正蕭瑟寂歷之氣。淒  
楚動人。庶乎近是本調名筆繁多。懸此以爲選  
的。遺珠錯落。更俟續收。嶺樵漫筆

雙調

○夜思 已刻

陳海樵

鎖南枝 用庚青韻

黃昏後鼓一更知君讀易臨小亭燈火隔簾明人聲  
四隣靜停樽待掃徑迎猛可的月移花渾疑是君影

前腔 用魚模韻

天街靜二鼓餘思君此時猶讀書庭草未曾除囊螢  
燦如許門雙掩榻半虛猛可的竹生風長疑是君語

前腔 用先天韻

三。更。轉。夜。半。天。知。君。此。時。猶。未。眠。鐵。馬。傷。風。傳。銀。河。  
繞。簷。轉。臨。牀。畔。當。案。前。試。展。寄。來。書。渾。如。對。君。面。

前腔

用東鐘韻

誰。樓。鼓。剛。四。咚。思。君。不。來。尊。已。空。鬼。病。害。得。我。帶。團。  
鬆。佳。期。數。得。我。指。頭。痛。燈。初。暗。睡。正。濃。可。喜。的。共。君。  
眠。原。來。是。一。夢。

前腔

用齊微韻

殘。更。斷。星。斗。稀。思。君。出。門。來。也。未。隔。水。一。鷄。啼。喧。林。  
亂。鴉。起。人。將。至。喜。上。睂。休。問。我。夜。來。情。但。看。我。梳。邊。

淚。

○題東 未刻

龍子猶

鎖南枝 用支思韻

曾留下東帖兒。千恩萬愛。彼一時恨。不得把全副肝  
花。嚙向這幾箇鴛鴦字。就是鐵人見心也。慈害相思。  
都爲此。

前腔 換頭

將他謹藏笥。不許他人瞞我私。每遇悶時開看。只當  
一度相逢。一度懽娛事。強婚帖。賽誓詞。再不消費第

二張紙。

前腔

燭流淚。蠶掛絲。只道恩情到底常似茲。誰知日久見人心。漸漸不如始。雖東帖時有之。比當初渾不似。

前腔 換頭

當初血瀝瀝幾行字。如今虛飄飄一片詞。他的話比先前加美。細勘真情。百分無一二。一場好。枉被噓情。願抱當初東帖兒死。

○金閨紀遇 有序 未刻

龍子猶

白氏爲花館名家。而來姬尤後來之最秀。東山  
許元爕。則其破瓜之交也。元爕作金閨紀。遇傳  
自詫奇緣。余譜爲新詞。傳諸好事。來姬字掌珍。  
蓋元爕所贈云。珠性圓走。而掌又有翻覆之義。  
元爕慎守寶矣。佳人再難得。其勿效章臺柳往  
事哉。

錦堂月

用庚青韻

畫錦堂

花滿金庭。春深玉柱。誰爭五湖煙景。生長繁

華。風流少年馳騁。

月上海棠

攬蘇臺西。苧餘香。咏銅



雀東風司令。顚追省。休得要秋到傷春。老來索鏡。

堂上集賢賓

畫錦堂

換頭

寂靜淨几明窗。翻今閱古。別有酒狂詩興。天

上人間。除非草木無情。

月上海棠

鳳尾草也。解榮枯。

連理木。偏能齊整。

集賢賓

倚藍橋。幸玉杵。價豈辭高。

等。

集賢賓

商調

下三曲同

偶春花鳥來。使星間。秦淮柳色。誰青。屈指尋常。桃與杏。但無雙。不產金陵。自有煙花。首領論小字。夜來廊。

稱他都是靈秀稟。就是珠十斛也買不出這娉婷。

集賢聽黃鶯

集賢賓

盈盈二七方待齡。似荳蔻香凝。妙舞清歌都

絕頂。更步打場中。超乘琴棋井井。凡百技諸般佳品。

黃鶯兒

小妖精。豪門巨室歡喜。竟何曾。

黃鶯兒

金屋久聞名。信還疑。喜又驚。白家蠻素。剛同姓。泛扁舟幾程。歷煙波幾汀。恨金閨不比天涯近。到蓬瀛。閒花怎惹許。自有飛瓊。

黃鶯帶一封

黃鶯兒

我是黃卷課青燈。暫偷閒。訪玉京。奈娘行做。

出喬行徑。眼兒望得盲。脚兒站得疼。等閒的未許通。

殷聘

一封書

鏡中形。谷中聲。三復關雎。心未平。

一封書

仙呂 下六曲同

終宵自飲冰。把虔誠。感巨靈。重來到錦營。覩光輝。百倍榮。畫閣深深。頻致請。萬喚千呼。不肯行。似蘭馨。似珠明。捧出雕盤真水晶。

一封羅

一封書

羞答答臉頰悄低頭倚畫屏梨花一枝春帶雨縱飛燕新粧不恁爭

早羅袍

金釵十二端詳可憎

青樓十二供他使令從前春夢到此安排定

### 早羅袍

珍重娘行伸敬這姻緣天大怎教我造次應承他是玉皇殿上校書丞怕書生福淺難僥倖欲行還往可喜香浮酒清欲畱還去可憐好事未成把佳期來日從容訂

### 早羅歌

吳騷令編

阜羅袍

意馬心猿紛競悔登時。腠膜推調紅繩倚閭。

人望得眼睜睜。一封書怎敢違尊命。

排歌

畱無計蚤

恨轉增長條攀折已無憑。人難再城可傾香衾覆枕。  
闌心兵。

甘州歌

八聲甘州

高唐神有靈借巫雲一片教他野渡舟橫。

十分不穩穩的是隻形孤影魂顛夢倒神未寧。忽聽

得雨驟風狂鬧五更。

排歌

披衣起合掌聽千聲方便。

謝神明。想是明河瀉洛水升。從天降下美前程。

甘州解醒

甘州歌

青鴉喜笑迎。儘東山展齒。忘却伶俜時來心。肯不惜買花錢。贈傾囊。聊表欽。綢情。肆席重。陳山海盟。  
解三醒 雙雙並對。氤氲使者。禮拜通誠。

解三醒

唱一曲。今宵歡慶。把前身認做鶯鶯。畫堂中萬福聲。相應杯到處。已酩酊。今日裏。花燭洞房。把嬌客稱賽。過那玉殿爐傳金榜。登魂消。臍看不盡溫柔。窈窕向燈下停睛。

解醒姐姐

此調及下二犯曲皆譜中不載

解三醒

只爲兒女情長。憐夜短。縱有歌舞如雲。無暇  
評惜花人耳畔。私央倩一句句已應承。正蘭湯試浴  
看他雲髻傾。又蚤攢簇蛾眉愁未經。  
一點在素綃。君親證墮落風塵。忒煞輕。

好姐姐

妾薄命

好姐姐

仙呂入雙調

宛轉鴛鴦交頸。有的是惜玉憐香權柄。霎時到手。勸  
君聊住。停昏還醒。千金不換須臾頃。魂遠陽臺第幾  
層。

姐姐撥棹

好姐姐。自慙這麗質。怎勝從此後。心腸難硬。俺和伊  
情分一似海樣盈。川撥棹甚日得雙鸞共乘。願今朝  
天慢晴。願天天且莫明。

撥棹入僥僥

川撥棹

蚤聽得疎鐘遠。寺鳴見窗隙微光。枕畔呈淚

斑兒兀自熒熒。淚斑兒兀自熒熒。

僥僥令

只見他星

眼朦朧。餘羞態。又見他鬢縱橫。倍可矜。

僥僥令

雙調



風流原有種。今日總輸卿。一任風波休輕散。須記着  
賀新郎第一聲。

尾聲

貪花採得花中聖。五湖年少不虛生。喚作明珠掌上  
擎。

雙調健捷激裊。蓋如文章家之以筋力勝。而不  
欲其以浮靡見長者也。聲音之道。可想見焉。本  
調名目有限。詞亦如之。不能備美。中如子猶先  
生金閨紀遇一套。似亦賣弄家私。而故爲破格。

鋪排者。如以尋常章法律之。殊非作者之意。而亦非選者之心矣。原評錄後。嶺樵附識

凡紀事之詞。全要節次清楚。而過脉絕無痕迹。如太史公伯夷屈原等傳。以事實議論相御而行。其叙事又須明顯。使人一覽而知方妙。此是

子猶勝場

硯齋主人原評

白雪齋選訂樂府吳騷合編卷之三

終